

Cum Ducis Anguigeri variis diuisa sepulchris
 Membra cubent, sic iussit enim, nam viscera seruae
 Antoni tua sancta domus celebrata Viennæ,
 Cor Ticinensis Michael, Carthusia corpus;
 Hic quoque ad æternum populi Patriæque dolorem
 Vexilla, & Clipei, & lachrimosa insignia pompæ
 Exequialis honos, monumentum flebile pendent.
 Instar & hoc tumuli semper memorabile no stris,
 Impositum signum est oculis, lege principis ergo,
 Hic etiam titulos nomenq̃, genusq̃, supremi
 Cuius ab Angleria primus quos protulit olim
 Natus ab Ascanio Troiani sanguinis Anglus
 Comitibus; si prisca petas primordia clari
 Nominis, at que domus Vicecomites extat origo
 Talibus exortum proavis dixere Ioannem
 Hunc Galeaz, quo non fama vulgatius vllum
 Nomen in orbe fuit, factis ingentibus Heros.
 Ille quidem Anguigeram super aurea sydera gentem
 Extulit; & sese virtute æquauit Olympo
 Dux Ligurum, Patriæque pater, Comesq̃, Papia,
 Virtutumq̃ fuit, quantum splendebat in illo
 Imperiosa oculis vis maiestatis, & altæ
 Frontis honos, tantum specie mort alibus ibat
 Altior vt dominum sola esse doceret imago,
 Quantum lux animi specioso in corpore fulsit,
 Cognita per varium testantur plurima casum
 Consilia alta Ducis cuius pietasq̃, fidesq̃
 Sacra q̃ iusticia, & clementia sanguinis expers
 Innocuam fecere animam; Nec dulcior alter
 Eloquio, nec magnificis præstantior alter,
 Nec fuit in totis Europa finibus vnquam
 Aptior Imperijs princeps, nec sanctior alter
 Religionem fuit, nec pacis amantior illo.
 Hanc propter sæpe auspicijs iusta arma secundis
 Induit, & claros superato ex hoste triumphos
 Cepit, & vltices quæ nulla est gloria maior
 Nullaque compositæ maior constantia mentis;
 Ipse sui victor de pectore depulit iras
 Permisit que pius victis ad sana reuerti
 Consilia, & mediis pacem quæsivit in armis.
 Ipse graues Populis cruda de sede Tyrannos
 Deiecit, fregit tumidos, stravit que superbos.
 Hic erat vnde quies magnorum certa laborum